

**BOSNA I HERCEGOVINA
TUŽILAŠTVO
BOSNE I HERCEGOVINE
SARAJEVO**

**Broj: T20 0 KTRZ 0000538 10
Sarajevo, 10.08.2010. godine**

**SUD BOSNE I HERCEGOVINE
Sudija za prethodno saslušanje
Na broj: X-KRN-10/893**

Na osnovu odredbi člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine (ZKP BiH), podižem

OPTUŽNICU

PROTIV:

- (1) **FRANC KOS**, zvaní „Slovenac“, „Žuti“ i „Branimir Manojlović“, [REDACTED]
[REDACTED] rođen 16.07.1966. godine u Celju, Republika Slovenija,
državljanin Republike Slovenije, [REDACTED]
[REDACTED]
[REDACTED]
[REDACTED]
[REDACTED] lišen slobode u R Hrvatskoj dana 20.04.2010. godine, u skladu
sa međunarodnom potjernicom od 14.04.2010. godine, izručen iz Hrvatske u BiH
dana 10.06.2010. godine,

trenutno se nalazi u pritvoru u Kazнено-popravnom zavodu Tunjice- Banja Luka, po
rješenju Suda BiH broj: X-KRN-10/893 od 11.06.2010. godine, koji pritvor može
trajati do 09.09.2010. godine ili do drugačije odluke Suda BiH;

[REDACTED] **STANKO KOJIĆ¹**, zvaní Geza, [REDACTED], rođen
23.01.1968. u Turbetu, općina Travnik, [REDACTED]
[REDACTED], Srbin, državljanin BiH i Republike

¹ Prije tri godine je promijenio prezime iz Savanović u Kojić

Srbije, [REDACTED]
[REDACTED]
[REDACTED]
[REDACTED]

trenutno se nalazi u pritvoru u Kazneno-popravnim zavodu Kula, po rješenju Suda BiH broj: X-KRN-10/893 od 26.02.2010. godine, koji pritvor može trajati do 24.08.2010. godine ili do drugačije odluke Suda BiH;

VLASTIMIR GOLIJAN, [REDACTED], rođen 25.10.1974. godine u Žeravicama, općina Kladanj, [REDACTED]

[REDACTED] državljanin BiH, [REDACTED]
[REDACTED]
[REDACTED]
[REDACTED]

trenutno se nalazi u pritvoru u Kazneno-popravnim zavodu Kula, po rješenju Suda BiH broj: X-KRN-10/893 od 26.02.2010. godine, koji pritvor može trajati do 24.08.2010. godine ili do drugačije odluke Suda BiH;

ZORAN GORONJA, zvan Zoka, [REDACTED], rođen 07.09.1971. godine u Jošavi, općina Bosanski Novi, [REDACTED]

[REDACTED] državljanin BiH, [REDACTED]
[REDACTED]
[REDACTED]
[REDACTED]

trenutno se nalazi u pritvoru u Kazneno-popravnim zavodu Kula, po rješenju Suda BiH broj: X-KRN-10/893 od 26.02.2010. godine, koji pritvor može trajati do 24.08.2010. godine ili do drugačije odluke Suda BiH;

ŠTO SU:

U periodu od 01.06.1995. do 01.11.1995. godine, za vrijeme oružanog sukoba u Republici BiH, kao pripadnici 10. diverzantskog odreda Glavnog štaba Vojske Republike Srpske (GŠ VRS), zajedno sa drugim jedinicama VRS i Ministarstva unutrašnjih poslova Republike Srpske (MUP RS), preduzimali širok i sistematičan napad na civilno bošnjačko stanovništvo Zaštićene zone UN Srebrenica, koji napad je bio u skladu sa državnom ili organizacionom politikom i u cilju provođenja te politike, u

sklopu kojeg napada je do 40.000 bošnjačkih civila prisilno preseljeno iz enklave Srebrenica, a više od 8.000 muškaraca i dječaka Bošnjaka pogubljeno po prijekom postupku, ukopano i ponovno ukopano, u skladu sa planom i u namjeri da potpuno ili djelimično istrijebe grupu bošnjačkog naroda, nanošenjem teških fizičkih i duševnih povreda i pogubljenjima muškaraca Bošnjaka, **Kos Franc**, kao komandir 1., „bijeljinskog“, voda 10. Diverzantskog odreda Glavnog štaba VRS, **Kojić Stanko**, **Golijan Vlastimir** i **Goronja Zoran**, kao pripadnici 10. Diverzantskog odreda GŠ VRS, djelujući individualno i zajedno sa drugima su:

Krajem juna ili početkom jula 1995. godine izveli prvi napad na UN zaštićenu zonu Srebrenica i na bazu UNPROFOR-a s ciljem uznemiravanja bošnjačkog stanovništva kako bi isti napustili Srebrenicu te dana 11. jula 1995. godine, po naredbi komandanta 10. Diverzantskog odreda GŠ VRS, Pelemiš Milorada, zajedno sa drugim pripadnicima 10. Diverzantskog odreda i drugim jedinicima VRS, izveli drugi napad, tako što su učestvovali u vojnoj operaciji „Krivaja - 95“, odnosno u zauzimanju zaštićene UN zone Srebrenica, pa je nakon ulaska u grad, jedan od pripadnika 10. diverzantskog odreda zaklao muškarca Bošnjaka civila;

da bi, nakon zauzimanja Srebrenice od strane snaga bosanskih Srba i nakon što je cjelokupno bošnjačko stanovništvo protjerano iz zaštićene zone,

dana 16. jula 1995. godine, u periodu od 10,00 do 15,00 sati, u kojem vremenu je više stotina, ali ne manje od osam stotina, muškaraca Bošnjaka dovoženo na Ekonomiju-farmu Branjevo, kao mjesto pogubljenja, iz škole u selu Gornja Pilica, općina Zvornik, u zoni odgovornosti Zvorničke brigade Drinskog korpusa, u kojoj školi su držani zarobljeni od 14. jula 1995. godine u nehumanim uslovima i izloženi nečovječnom postupanju, pa su Kos Franc, Kojić Stanko, Goronja Zoran i Golijan Vlastimir, sa prethodnim znanjem da će zarobljeni muškarci Bošnjaci biti strijeljani, na lokaciji Ekonomija - farma Branjevo, u blizini sela Pilica, s namjerom da potpuno ili djelimično unište Bošnjake Istočne Bosne koji su potražili utočište u UN-ovoj zaštićenoj zoni Srebrenica, postupajući po naređenju [REDACTED]

[REDACTED] također pripadnicima 10. diverzantskog odreda, po prijekom postupku pogubili, pucajući iz automatskih puškaka, a Stanko Kojić i iz pištolja, a Zoran Goronja i iz puškomitraljeza M-84, s namjerom da liše života, više stotina zarobljenih muškaraca Bošnjaka iz enklave Srebrenica, starosne dobi od 18 do 60 godina, od kojih su neki imali poveze na očima i rukama, koja pogubljenja su preživjela samo dva zarobljenika, a Franc Kos i Stanko Kojić, zajedno sa još jednim pripadnikom 10. diverzantskog odreda, su «ovjeravali» strijeljane pucajući im u glavu kako bi se uvjerali da niko nije preživio,

Dakle,

kao saizvršiooci, vršili ubijanje muških pripadnika skupine Bošnjaka i nanosili teške tjelesne ozljede i duševne povrede skupini Bošnjaka, koji su, kao Bošnjaci Istočne Bosne, činili značajan dio etničke skupine Bošnjaka, sve u cilju da potpuno ili djelimično istrijebe nacionalnu, etničku i vjersku skupinu Bošnjaka,

čime su počinili krivično djelo **Genocid iz člana 171. tačka a) i b) Krivičnog zakona BiH (KZ BiH), a sve u vezi sa članom 29. i 180. stav 1. KZ BiH.**